

LA PICA

L casament rustech de la Pica (o Toresela) l fa part del grop architetnich de Palaz Grota-de' Mandoni e l é encunegà inte senograficamente ntel caf meridional del so parch. La costruzion de stil gotich modern la va endrio al secondo mez XIX secol e la é atribuida al architet Giuseppe Segusini e la se pon nte trei livei, l ultim de chesti l é destinà a piol panoramich. Fat su sun le fondamenta de na tor de vedeta pi vecia, l casament l se empoia sun na gerta riva che la aida l'entrada a nord al prim pian, e no la lassa l'azes dal dadrio al pian taren e a chel mez sottera, destinai cossita a locai de sarvise. Al livel dei siori se va inte dret dal giardin, travers n curt vial de alber, che l liga l casament col palaz là poch dalonz. Da inte, daspò avé passà via na picciola anticambra, se va inte ntel salon che l se verz sul paesagio da le trei bande. Chest l vien fat travers na tripla serie de cuadrifore, despartide da colone corinzie. Na scïona del paes la conta de come che anter la Pica e l giardin l tordiolee encora l sprit de Giovanni Antonio Crotta, copà da sassin pagai dal fradel Giuseppe do a Polane ntel XVII secol.